

Навоийда янги йўналишсиз таксилар

2016—2017 йилларда Навоий вилоятини ижтимоий-иқтисодий ривожлантириш дастурида ташувчи корхоналарнинг автотранспорт паркини янгилаш чора-тадбирлари ҳам назарда тутилган бўлиб, вилоятда бу борада ишлар режали равишда амалга оширилмоқда.

Жумладан, «Камол Сарбон транс» МЧЖ «Ўзсаноатқурилиш» банкнинг Навоий шаҳар филиалидан олинган 160 млн. кредит ва 100 млн. сўм ўз маблағларига «СамАвто» МЧЖ да ишлаб чиқарилган 6 та Nexia русумли автомобил харид қилди. Янги автомобиллар Ўзбекистон Республикаси Вазирлар Маҳкамасининг 2011 йил 18 майдаги «Йўналишсиз таксилар фаолиятини тартибга солиш тўғрисида»ги 139-сонли қарори талаблари асосида жиҳозланиб, вилоятимизнинг чекка қишлоқларида йўналишсиз такси хизматида қўлланилмоқда.

Шунингдек, «Камол Сарбон транс» МЧЖ шаҳарда ва шаҳар атрофида йўналишли таксиларда йўловчи ташиш фаолияти билан ҳам шуғулланади.

Корхонага янги машиналар келтирилиши муносабати билан Навоий вилоятининг чекка худуддаги қишлоқ кўчалари кўркига кўрк қўшиш билан бир қаторда 10 киши иш билан таъминланди.

Маълумот учун, «Камол Сарбон транс» МЧЖ йўловчи ташиш фаолиятини 2014 йил июл ойда бошлаган бўлиб, ҳозирги кунда жамиятда 30 та йўналишсиз таксилар мавжуд.

Ўзбекистон автомобиль ва дарё транспорти агентлиги Ахборот хизмати